

GIPUZKOAKO ESKUBALOIA FEDERAZIOKO
ESTATUTUAK



I. IZENBURUA XEDAPEN OROKORRAK

1. ARTIKULUA

Gipuzkoako Eskubaloia Federazioa irabazi asmorik ez duen entitatea da. Nortasun juridikoa eta jarduteko ahalmena du, eta kirolari, kirol elkarte, teknikari eta epaileak biltzen ditu bere baitan, Gipuzkoako Lurralde Historikoan eskubaloia modalitate desberdinak praktikatzeko eta sustatzeko.

Gipuzkoako Eskubaloia Federazioak ondorengo diziplina hauek izango ditu integratuta:

- Eskubaloia
- Hondartzako Eskubaloia

2. ARTIKULUA

Gipuzkoako Eskubaloia Federazioak lege-arau hauek ditu gidari: 1998ko ekainaren 11ko 14/1998 Legea, Euskadiko kirolarena; 2006ko urtarrilaren 31ko 16/2006 Dekretua, Euskadiko kirol federazioena; Legea garatzen duten gainerako xedapenak; estatutu hauek; berriaz prestatutako araudiak; eta bere organoek baliotasunez hartutako erabakiak.

3. ARTIKULUA

Helbide honetan du egoitza Gipuzkoako Eskubaloia Federazioak: Anoetako Pasealekua, 5, Donostia, PK 20014 (Gipuzkoa).

4. ARTIKULUA

Gipuzkoako Eskubaloia Federazioak Gipuzkoako Lurralde Historikoko eskubaloia jarduera eta lehiaketa ofizialak eta, kasuan kasu, modalitate horretan antolatzen edo zehazten diren diziplinak sustatu, bultzatu, baimendu, antolatu eta zuzentzen ditu, Euskadiko Eskubaloia Federazioari dagozkion eskumenen nahiz Gipuzkoatik kanpo gauzatu ditzakeen jardueren kaltetan izan gabe.

5. ARTIKULUA


Gipuzkoako Eskubaloia Federazioa Euskadiko Eskubaloia Federazioko kide da.

Gipuzkoako Eskubaloia Federazioak bere modalitateari dagokion **Gipuzkoako kirol federatua** ordezkatzeko du Euskal Autonomia Erkidegoan.

6. ARTIKULUA

Bere helburuak lortzeko, einkizun hauek beteko ditu Federazioak:

- Kirol jarduera federatua antolatzea bere lurralde eremuan.
- Eskubaloia kirol-modalitateko lehiaketa ofizialak eta jarduerak antolatzea Gipuzkoako lurralde historikoan.
- Parte hartzeko eta lehiatzeko bere arauak ezartzea, nahiz eta behar denean lurralde eremu zabalagoko federazioek emandako arauak ere bete beharko dituen.
- Eskubaloia modalitateko ordezkaria izatea EAE mailan.
- Federazioaren eskubaloia baimenak tramitatzea, gero Euskadiko Eskubaloia Federazioak baimen horiek eman ditzan, azken horrek ezarritako betebeharre eta prozedurari jarraiki.
- Bere jarduera aurrera eramaterakoan sortzen diren kirol gatazken berri jakitea eta haiek ebaztea, organo judizialen eta arbitralen eskumenaren kaltetan izan gabe.
- Bere arauak betearaztea eta diziplinako ahalmena haien arabera erabiltzea.
- Euskadiko Eskubaloia Federazioarekin batera lan egitea debekatuta dauden botika gaiak eta multzoak eta kirolean arauz kanpokoak diren metodoak erabili ez daitezken aurre neurriak hartzen, erabilera horiek ikuskatzen eta zigortzen, berriaz ezarriko den araudiaren arabera.
- Eskubaloia kirol-modalitateko teknikariak eta epaileak prestatzen laguntzea, helburu horrekin xedatutako araudiaren arabera.





- j) Bere diru baliabideak zertarako erabili eta nola banatu erabakitzea; bere jarduera aurrera eramateko beste erakunde batzuek eskualdatzen dizkieten baliabideak kudeatzea, eta bere baliabide guztiak zuzen erabiltzen direla zaintzea.
- k) Kide dituen klub eta taldeei agian emango dizkien diru-laguntzak izendatzea eta kontrolatzea.
- l) EAEko administrazioekin batera elkarlanean aritzea kirola bultzatzeko bere helburuak betetzerakoan, eta bereziki, 14/1998 Legeak federazioei zuzenean ematen dizkien lankidetzak eta aholkularitza eginkizunetan.
- m) Kirolari buruzko bere estatutuak eta araudiak prestatzea.
- n) Dagokion lurralde-eremuan eta bere kirol-modalitatean emakumeen eta gizonen arteko berdintasuna sustatzea eta, ahal den neurrian, bermatzea.
- o) Eta, oro har, bere kirol-modalitatean aritzea bultzatzeko eta hobetzeko egokia den guztia xedatzea.

7. ARTIKULUA

Gipuzkoako Eskubaloia Federazioak Euskadiko Eskubaloia Federazioarekin eta, hala dagokionean, Euskadiko Federazioan integratutako beste federazioekin koordinatuta beteko ditu bere eginkizunak.

Gipuzkoako Eskubaloia Federazioa Gipuzkoako Foru Aldundiarekin lankidetzan jardungo da eta lankidetzahitzarmenak sinatu ahal izango dira bien artean, helburuak, kirol programak, aurrekontuak eta eskuordetutako funtzio publikoekin zerikusi zuzena duten gainerako alderdiak zehazteko xedez. Hitzarmen horien izaera juridiko-administratiboa izango da. Era berean, Gipuzkoako Eskubaloia Federazioak kontratu-programak sinatu ahal izango ditu Gipuzkoako Foru Aldundiarekin; horietan, gutxienez, programak finantzatzeko aurreikuspenak, lortu beharreko helburu zehatzak edo kuantifikagarriak eta helburu horiek ebaluatzeko eta ikuskatzeko mekanismoak adierazi beharko dira.

8. ARTIKULUA

Gipuzkoako Eskubaloia Federazioaren barruan ez da utziko inori bereizkeriarik egiten arrazagatik, sexuagatik, erlijioagatik, iritzi eta sinesmenengatik, edota beste edozein egoera pertsonal nahiz sozialengatik.

II. IZENBURUA FEDERAZIOKO KIDE EGITEA. LIZENTZIAK

9. ARTIKULUA

1.- Federazio lizentzia agiri pertsonala eta besteren ezina da, bere titularrari, pertsona fisikoa edo juridikoa izan, Gipuzkoako Eskubaloia Federazioko kide izaera ematen dio, eta lehiaketa ofizialetan parte hartzeko gaitzen du; betiere, lehiaketa bakoitzean diren araei jarraituz.

2.- Federazio lizentzia bakarra izango da EAE osoan, eta, horren bidez, titularra kirol modalitate bateko bai Gipuzkoako Eskubaloia Federazioari bai Euskadiko Federazioari atxikita egongo da.

3.- Pertsona fisikoak eta juridikoak kirol federazioetako kide egiteko bidea dagokien lizentzia ematea izango da.

4.- Gipuzkoako Eskubaloia Federazioak eta Euskadiko Federazioak, adostasunez, aisialdiko edo zerbitzuetako txartel bakarra sortu ahal izango dute, ofiziala izango ez dena eta borondatezko harpidetza izango duena. Txartel horrek ez du titularra dagokion federazioko kide egingo, eta ofizialak ez diren kirol jarduerak batzuetan parte hartzea edo zerbitzu jakin batzuk jasotzea baino ez du ahalbidetuko.

10. ARTIKULUA

1.- Gipuzkoako Eskubaloia Federazioa da bere kirol modalitateko federazio-lizentziak izapidetzeko eskumena duen erakunde bakarra.





2.- Gipuzkoako Eskubaloia Federazioak borondatezko kuota gehigarria jaso ahal izango du federatuengandik, federazio horren zerbitzuak eta jarduerak finantzatzeko.

3.- Gipuzkoako Eskubaloia Federazioak kitatuko du, Euskal Federazioari emanez, lizentzia bakoitza zenbateraino garbia, Batzar Orokorra onesten dituen terminoetan, eta 2006ko urtarrilaren 31ko 16/2006 Dekretuko 24.5 artikuluan xedatutakoaren arabera.

11. ARTIKULUA

Euskadiko Federazioko Batzar Nagusiak onartuko ditu lizentzien formatua eta edukia, eta lizentziotan, halaber, Euskal Autonomia Erkidegoko bi hizkuntza ofizialak erabili beharko dira. Gipuzkoako Eskubaloia Federazioak federazio-lizentzien eskakizunen eta ondorioen berri emango die federatu nahi duten horiei, eta federatu egiteko beharrezkoak diren agiriak eta datuak jasoko ditu.

12. ARTIKULUA

Federazio lizentziek urtebeteko iraupena izango dute, urte naturalarekin bat etorritik, Euskadiko Eskubaloia Federazioak bestelakoa xedatzen duenean salbu.

III. IZENBURUA GOBERNU, ADMINISTRAZIO ETA ORDEZKARITZAKO ORGANOK

13. ARTIKULUA

Gobernu, administrazio eta ordezkari organo hauek egongo dira Gipuzkoako Eskubaloia Federazioan:


- Gobernu organo bat, Batzar Nagusia izeneko.
- Administrazio organo kolegiatu bat, Zuzendaritza Batzordea izeneko.
- Ordezkaritza organo bat, zeinaren titularra Federazioko lehendakaria izango baita

I. KAPITULUA BATZAR NAGUSIA

14. ARTIKULUA

Batzar Nagusia Federazioko gobernu organo gorena da, eta bere gain izango ditu eginkizun hauek, gutxienez:

- Lehendakaria eta Zuzendaritza Batzordea aukeratzea.
- Federazioaren kontuak eta aurrekontuak onartzea.
- Estatutuak eta estatutuen aldaketak onestea.
- Zentsura-mozioa onestea.
- Lehiaketa egutegi ofiziala onartzea.
- Federazioaren jardun plana onartzea.
- Federazioaren araudiak eta horien aldaketak onartzea.
- Ondasun higiezinak erabiltzea, saltzea eta kargatzea, maileguak hitzartzea, banketxe edo aurrezki kutxetako abalak eskatzea, eta zorraren edo ondarearen zati, alikuotaren tituluak jaulkitzea, estatutu hauetan ezarritakoaren arabera.
- Federazioa desagitea erabakitzea.
- Duten garrantzia dela-eta Batzar Nagusiaren onespenera behar duten erabaki horiek guztiak hartzea.



15. ARTIKULUA

1. Gipuzkoako Eskubaloia Federazioko Batzar Nagusia lau urtez behin hautatuko da bozketa libre, zuzeneko, berdinean eta isilpekoaren bidez.



2. Hauteskundeak beti izango dira udako joko olinpikoak ospatzen diren urteekin bat eginda.

3. Salbuespenez, eta Gipuzkoako Foru Aldundiaren berriazko administrazio-baimena eskuratu ondoren, hauteskunde-prozesua atzeratu edo aurreratu egin ahal izango da, aurreikusitako datatan ezinezkoa gertatzen denean.

16. ARTIKULUA

1. Batzar Nagusia klub en estamentuen ordezkariak, kirol elkarteak, kirolariak, teknikariak eta epaileak osatuko dute, ondorengo proportzio honetan:

- a) Klub eta kirol taldeen estamentuak batzarkide guztien % 70eko ordezkariak edukiko du.
- b) Kirolarien estamentuak batzarkide guztien % 15eko ordezkariak edukiko du.
- c) Teknikarien estamentuak, federatuen artean duten proportzioaren arabera, batzarkide guztien %10eko ordezkariak edukiko du.
- d) Epaileen estamentuak, federatuen artean duten proportzioaren arabera, batzarkide guztien %5eko ordezkariak edukiko du.

2.- Batzar Nagusiko kideen kopuru zehatza hauteskunde ororen aurretik zehaztuko du Hauteskunde Batzordeak, hauteskundeetarako dagoen erolda kontuan hartuta eta, dagokionean, Hauteskunde Araudiak ezarritako irizpideen arabera.

3.- Batzar Nagusiko kideak gehienez ere 200 izango dira.

17. ARTIKULUA

1. Klub eta taldeen estamentuak Batzar Nagusian edukiko dituen ordezkariak klub eta taldeen ordezkariak baldintza hauek beteko dituzte: batetik, EAEko Kirol Erakundearen Erroldan izen emanda egotea eta Gipuzkoako Eskubaloia Federazioko kide izatea; bestetik, hauteskunde garaian nahiz aurreko denboraldian gutxienez 12 lizentzia izatea izapidetuta; eta, azkenik, hauteskunde garaian nahiz aurreko denboraldian kirol jarduera nabarmena eduki izana.

Batzar Nagusiak, hauteskunde erregelamendua onartzen duenean, alda dezake aurreko paragrafoan adierazitako gutxienezko kirolari lizentzien kopurua.


Nolanahi ere, Batzar Nagusian lehen aipatu eskakizunak betetzen dituen kirol talde edo elkarte bakoitzeko gutxienez ordezkari bat egotea bermatuko da.

18. ARTIKULUA

1. Kirolarien estamentuak Batzar Nagusian edukiko dituen ordezkariak kirolariak hautatuko dituzte hemezortzi urtetik gorako kirolarien artean, horiek hauteskundeak egiten diren urtean nahiz aurrekoan lizentzia indarrean izan dutenean. Ordezkariak hori hamasei urtetik gora izanik lehen aipatu baldintzak betetzen dituzten kirolariak hautatuko dute.

2. Teknikari eta epaileen estamentuak Batzar Nagusian edukiko dituzten ordezkariak hauteskundeak egiten diren urtean nahiz aurreko urtean lizentzia –lizentzia edozein mailatakoa izanik ere– indarrean izan dutenek hautatuko dituzte beren artean.

3. Hautespen aldiaren dauden bitartean hutsuneren bat gertatuko balitz Batzar Nagusiko kideen artean, Batzar Nagusiko azken hauteskundeetan estamentu bakoitzeko ordezkari zehaztutako buru egiten zuten pertsonak edo erakundeak beteko lukete hura, Hauteskunde Araudian helburu horrekin ezarritako den jardunbidearen arabera.





19. ARTIKULUA

1. Batzar Nagusiak ohiko eta aparteko batzaraldiak egingo ditu.
2. Urtean gutxienez ohiko batzaraldi bat egingo da, urteko lehenengo sei hilabeteen barruan, kontuen egoera eta aurrekontua onartzeko. Egutegi ofiziala denboraldia hasi aurretik onartuko da.
3. Bere eskumenekoak diren gainerako gaiak, hurrengo paragrafoan aurreikusitakoak izan ezik, ohiko batzaraldian jorratuko dira baita ere.
4. Batzar Nagusia aparteko batzaraldian bilduko da ondorengo gai hauetarako:
 - a) Hauteskundeak egitea.
 - b) Zentsura mozioa.
 - c) Estatutuak onartzea edo aldatzea.
 - d) Federazioa desegitea.
 - e) Araudiak onartzea edo aldatzea.

20. ARTIKULUA

1. Ohiko nahiz aparteko Batzar Nagusirako deia egitea Federazioko lehendakariari dagokio ofizioz, Zuzendaritza Batzordeak edo Batzar Nagusiko kideen %5ak hala eskatuta. Hori egiterik ez balego, edota lehendakariak batzarrerako deia egiteko betebeharra beteko ez balu, Zuzendaritza Batzordeak, gehiengo soilez hartutako erabakiaren bidez, edo Batzarreko kideen %5eko ordezkaritza duen talde batek egin ahal izango lukete deia.
2. Lehendakariak gehienez 15 egun naturaleko epean egin beharko du batzarrerako deia, dagokion eskaera egiten denetik kontatzen hasita. Lehendakariak deialdia lehen aipatu epean egingo ez balu, batzarra Zuzendaritza Batzordeak edo, hala dagokionean, eskaera egin duen batzarreko taldeak deitu ahal izango dute.

21. ARTIKULUA

Batzar Nagusirako deia berri, ohikoa nahiz apartekoa izan, eta gai zerrendaren berri ere, idatziz emango zaie Batzarreko kideei, 15 egun aurretik gutxienez. Idatzizko jakinarazpena baliozkoa izango da faxez, posta elektronikoz edo kasu orotan erregistratzea edo gordetzea ahalbidetzen duen antzeko beste bitarteko baten bidez egiten denean.

22. ARTIKULUA

Batzarreko kideek ahalmena dute interesgarritzat jotzen dituzten gaiak gai zerrendan sar ditzan lehendakariari eskatzeko, baldintza hauek betez gero: eskaera Batzarreko kideen gutxienez %5ek proposatuta izango da, sartu beharreko gaia Federazioaren interes orokorrekoa baldin bada; edota estamentu bateko kideen %5ek proposatuta, sartu beharreko gaiak lehenetsuneko interesa baldin badu estamentu horrentzat. Nolanahi ere, Batzar Nagusiko gai zerrendan sartzeko eskaera bost egun natural lehenago egin beharko da gutxienez.

23. ARTIKULUA

1. Batzar Nagusiak baliozko eraketa izango du lehen deialdian, baldin eta kideen erdiak eta bat gehiago agertzen badira. Bigarren deialdian, ordea, berdin dio zenbat kide agertzen diren.
2. Zuzendaritza Batzordeko kide izanik Batzar Nagusiko kide ez direnak batzarrera agertu ahal izango dira, hitza bai baina botorik gabe. Kide horiek ez dira kontatuko quoruma zenbatzerakoan.

24. ARTIKULUA

Botoak eskuordetzerik ez da onartuko Batzar Nagusiaren barruan.





II. KAPITULUA ZUZENDARITZA BATZORDEA

25. ARTIKULUA.

Zuzendaritza Batzordea Federazioko administrazio organoa da eta Federazioko gaien administrazio-eta-ekonomi kudeaketaren eginkizunak betetzen ditu. Hain zuzen ere, Batzar Nagusiak emandako jarraibideen arabera bete behar ditu eginkizun horiek.

26. ARTIKULUA

1. Zuzendaritza Batzordea bakoitia izango den kide-kopuruaz osatuko da, eta honela egongo da eratuta:

- Lehendakari bat, aldi berean Federazioko lehendakari izango dena.
- Lehendakariorde bat, lehendakariaren eginkizunak bereganatuko dituen hura aldi baterako kanpoan baldin bada, edota kargua uzten baldin badu.
- Gehienez ere 20 kide.

Zuzendaritza Batzordeak, hainera, Diruzain bat izango du eta Federazioko Idazkariaren laguntza izango du. Horiek biek hitza bai baina botorik ez dute izango.

2. Zuzendaritza Batzordeko kargu guztiak ohorezkoak dira, Idazkariarena eta Diruzainarena salbu, horiek ordaindu egin daitezke-eta.

27. ARTIKULUA

1. Zuzendaritza Batzordeko kideak lehendakariak hautatuko ditu, lehendakariak kargua hartu eta hurrengo hogeita hamar eguneko epearen barruan.

2.- Zuzendaritza Batzordeko kideak, Lehendakaria izan ezik, honi kargu horretarako xedatutakoa baitzaio aplikagarri, berrautatuak izan daitezke, baina gehienez ere bost agintaldi egongo dira jarraian, Zuzendaritza Batzordean izan dituzten zuzendaritza-kargu guztiak kontatuz, lehendakariarena barne.

28. ARTIKULUA


1. Federazioko lehendakariaren gain dago edo, hori falta denean, lehendakariordearen gain, edo bestela, kideen %25aren gain, Zuzendaritza Batzordearen bileretarako deiak egitea.

2. Deiarekin batera eguneko gai zerrenda joan beharko da: hitz egin beharreko gaien berri emango du, eta gaiiei buruzko agiriak gehituko zaizkio.

3. Bileraren berri idatziz emango zaie batzordekideei, bi egun lehenago gutxienez, non eta presa larria ez dagoen, eta orduan ere behar bezala arrazoituta.

4. Hala eta guztiz ere, bilera baliotasunez eratu dela ulertuko da, nahiz eta aldez aurretik dei egin ez, baldin eta kide guztiak agertzen badira eta denek aho batez hala erabakitzen badute.

5. Zuzendaritza Batzordeko kideek berriaz hala onesten dutenean, batzordea baliotasunez deitu eta egin dela ulertuko da bere erabakiak posta elektronikoki, fax edo Batzordeko kideen adierazpenak nahiz horien botoak jasotzea ahalbidetzen duen beste edozein bitarteko tekniko erabiliz hartzen direnean. Kasu horretan, aktarekin batera esku-hartzeen eta botoen zuriarriak gorde beharko dira.





29. ARTIKULUA

1. Zuzendaritza Batzordea baliotasunez eratuko da lehen deialdian kideen erdiak eta bat gehiago agertzen badira, eta bigarren deialdian gutxienez kideen %25 agertzen badira, baina Federazioko lehendakaria edo lehendakariordea beti.

2. Federazioko lehendakaria, edo hura ez badago, lehendakariordea, mahaiburu egongo da Zuzendaritza Batzordeko bileretan, eta berak zuzendu eta koordinatuko du Batzordearen jarduna. Bat edo beste egongo ez balitz, adin nagusieneko pertsona izango da mahaiburu.

30. ARTIKULUA

1. Zuzendaritza Batzordeak bere agintaldia utziko du arrazoi hauetakoren bat baldin badago:

- Lehendakariari edo honi eta Zuzendaritza Batzordeari batera egindako zentsura-mozioa onestea.
- Administratiboki edo judizialki aitortutako gaitasungabetzea.
- c) Lehendakariak dimititzea.
- Kideen erdiak baino gehiagok dimititzea edo hiltzea, Lehendakariak dimititu duten edo hil diren kideak ordeztu ez dituenean.

2. Zuzendaritza Batzordeko kideek ondorengo arrazoi hauetakoren batengatik utziko dute kargua:

- Dimititzea.
- Hiltzea.
- Lehendakariak kargua uztea.
- Judizialki aitortutako gaitasungabetzea.
- Batzordearen hiru bilera edo gehiagotara, jarraian edo tartekatuta, ez agertzea, kirol denboraldi berean, arrazoitutako kausarik gabe.
- Lehendakariak kargua utzaraztea.

3. Lehendakariak, Zuzendaritza Batzordeko kide batek edo gehiagok kargua utziko balute, hil egingo balira edo gaitasungabetuko balira, beste pertsona batzuk izendatu ahal izango ditu hutsik geratu diren karguak betetzeko.

31. ARTIKULUA


1. Batzar Nagusiak Lehendakariaren edo Zuzendaritza Batzordearen erantzukizuna eska dezake zentsura mozio baten bitartez, baina mozio hori Batzar Nagusiko kideen gehiengo osoak babestu beharko du, berariaz deitutako batzaraldi batean.

2. Zentsura mozioa onartzeak berarekin ekarriko du Zuzendaritza Batzordeko kide guztiek beren karguak uztea, Federazioko lehendakariak barne.

32. ARTIKULUA

1. Zuzendaritza Batzordeak edo lehendakariak bere agintea uzten duenean jardunean jarraituko du, eta Hauteskunde Batzordearen bilerarako deia egingo du, hilabetean gehienez ere, hauteskundeei ekin eta bere Zuzendaritza Batzordea izendatuko duen lehendakaria hautatzeko.

2. Hori egiterik ez balego, Federazioko Batzar Nagusiko kideen edozein taldek dei diezaioke Hauteskunde Batzordeari, kide guztien gutxienez %5eko ordezkaritza baldin badauka, behintzat





33. ARTIKULUA

Federazioko idazkariak bere gain edukiko ditu, gutxienez, eginkizun hauek:

- Federazioko Zuzendaritza Batzordeak eta Batzar Nagusiak egiten dituzten bileren aktak egitea.
- Federazioko liburuaz eta gainerako agiriez arduratzea, kontabilitateko ez ezik.
- Liburu horien edukiari buruz eman beharreko ziurtagiri guztiak ematea.

34. ARTIKULUA

Federazioko diruzainak bere gain edukiko ditu, gutxienez, eginkizun hauek:

- Federazioaren kontuak eramatea eta ekonomi eragiketak egitea.
- Federazioaren kontabilitate liburuak zaintzea eta eramatea.
- Prestatu beharreko kontabilitate agiri guztiak prestatzea, bereziki urteko aurrekontuaren zirriborroa eta ekitaldi bakoitzeko balantzea, gero Batzar Nagusiak onar ditzan.

III. KAPITULUA LEHENDAKARIA

35. ARTIKULUA

Federazioko lehendakariak beregan dauka Federazioaren legezko ordezkariak. Berak betearazten ditu Batzar Nagusiak nahiz Zuzendaritza Batzordeak hartutako erabakiak; eta mahaiburu eta zuzendari da bi organo horien bileretan.

36. ARTIKULUA

1. Batzar Nagusian hautatua izan den pertsona izango da Federazioko lehendakari.

2. Lehendakariak ondorengo arrazoi hauetakoren batengatik utziko du bere kargua:

- Dimisioa.
- Zentsura-mozioa onestea.
- Administratiboki edo judizialki aitortutako ezintasun edo gaitasungabetzea.
- Heriotza.

3. Lehendakariak bere kargua utziko balu, lehendakariordeak ordeztuko luke hura. Horrelakoetan Zuzendaritza Batzordeak jarraituko du jardunean, eta Hauteskunde Batzordea deituko du gehienez ere hilabeteko epean. Epe hori iragan eta deialdirik egongo ez balitz, gutxienez Batzar Nagusiko kideen %5 ordeztzen duen edozein taldek deitu ahal izango du Hauteskunde Batzordea.


37. ARTIKULUA

Lehendakaria berrautatua izan daiteke, baina agintaldien denbora-muga bost agintaldi jarraituena izango da. Bost agintaldi jarraituak agortu ondoren ezingo da berriro lehendakari hautatu, gutxienez lau urteko aldi bat igaro arte.

IV. KAPITULUA ORGANO GUZTIEI BURUZKO XEDAPENAK

38. ARTIKULUA

Estatutu hauetako 13. artikuluan ikusitako organoetako kide guztiak jardunean jarraituko dute beren ondorengoak karguez jabetu arte.





39. ARTIKULUA

1.- Gipuzkoako Eskubaloia Federazioko organo kolegiatuen erabakiak bertaratutako kideen gehiengo soilaz hartuko dira, lege edo estatutuetao xedapenek gehiengo kualifikatuak aurreikusten dituztenetan izan ezik.

2.- Kide guztiek berariaz onesten dutenean, Gipuzkoako Eskubaloia Federazioko organo kolegiatuek posta elektronikoa, fax, bideokonferentzia edo antzeko bitartekoen bidez hartu ahal izango dituzten erabakiak. Horrelakoetan, dagokion akta faxen, posta elektronikoen eta dagozkien euskarrien zurgarriekin batera idatziko da.

40. ARTIKULUA

Gipuzkoako Eskubaloia Federazioko Batzar Nagusiko kide edo Zuzendaritza Batzordeko kide izateko betebeharrak honako hauek dira:

- Adin nagusikoa izatea.
- Auzotartasun administratiboa izatea Federazioaren jardun eremuaren barruan. Salbuespen gisa betebeharrak hori betetzen ez dutenak Zuzendaritza Batzordeko kide izan daitezke, Batzar Nagusiak horren aldeko erabakia hartu ondoren.
- Karguak edo funtzioak betetzeko gaitasungabetzea ekartzen duen diziplina-zehapen irmorik ez izatea.
- Epailearen epai irmoaren bidez kargu publikoan aritzeko ezgaitasunera zigortu ez izana.
- Epailearen erabaki irmoaren bidez ezgaitzat jo ez izana.

41. ARTIKULUA

1. Federazioko organoek hartutako erabaki guztiak aktan idatziko ditu idazkariak, eta hor datu hauek ipini behar ditu gutxienez: parte hartu dutenen izen-abizenak, bilera non eta noiz egin den, eztabaidagai nagusiak, bozketa nola egin den eta zer emaitza izan duen, eta zer erabaki duten.

2. Hartutako erabakiaren aurkako botoa eman dutenak, horretarako arrazoia azalduta, betiere, salbuesita egongo dira organo kolegiatuek hartutako erabakien ondorioz etor litekeen erantzukizunetik.

42. ARTIKULUA

Gipuzkoako Eskubaloia Federazioko Zuzendaritza Batzordeak egoki irizten dituen adina batzorde eta antzeko organo sortu ahal izango ditu; bai Federazioaren kirol-jardueraren garapenari erantzuten diotenak eta baita Federazioa osatzen duten kolektibo edo taldeen funtzionamenduari erantzuten diotenak.

43. ARTIKULUA


1.- Gipuzkoako Eskubaloia Federazioak dopajearen aurka aplikagarri den araudiak ezartzen dituen organoak izan beharko ditu.

2.- Gipuzkoako Eskubaloia Federazioak batzorde tekniko bat izango du. Batzorde tekniko hori izango da Federazioaren kirol-zuzendaritza eta zuzendaritza teknikoak beregain hartuko dituena.

44. ARTIKULUA

Gipuzkoako Eskubaloia Federazioko zuzendariak ondorengo eskubide hauek izango dituzte:

- Eusko Jaurlaritzak eta Gipuzkoako Foru Aldundiak federazioetako zuzendarien etengabeko prestakuntza sustatzea, bai eta doako aholkularitza teknikoak ere, euren funtzioak behar bezala bete ditzaten.
- Federazioaren bitartez, euren funtzioak gauzatzeko eragiten dizkieten gastuen dirua itzultzea, aurretik Federazioaren beretan zehazturiko mugen barruan.
- Federazioaren bitartez, borondatezko jardueratik ondoriozta daitezkeen istripu arriskueterako eta erantzukizun zibilerako aseguruia izatea.
- Jarduera baldintza egokietan egitea duintasunaren, segurtasunaren eta higiearen aldetik, zereginaren izaera eta ezaugarriak aintzat hartuta, betiere.
- Zuzendariak direla egiaztatzen duen egiaztagiria izatea.





- f) Kirolaren esparruan egindako gizarte ekarpenarengatik erakundeen errespetua eta esker ona jasotzea.
- g) Federazioko zuzendaritza organoetan parte hartzeko informazio eta dokumentazio guztia eskura izatea.
- h) Egozten zaizkion funtzioak behar bezala betetzeko behar diren baliabide materialak era iraunkorrean jasotzea.
- i) Federazio honen estatutuetako edo arautegietako arauetan jasota dauden bestelako eskubideak.

45. ARTIKULUA

Gipuzkoako Eskubaloia Federazioko zuzendariak honako betebeharrak dituzte:

- a) Euren betebeharrak gauzatzen jasotzen eta ezagutzen duten informazioaren gaineko konfidentzialtasuna gordetzea, hala badagokionean. Konfidentzialtasuna gordetzeko betebeharrak iraun egingo du kargua uzten dutenean ere.
- b) Funtzioak betetzean behar bezalako arduraz jokatzeko, hots, uneoro Federazioaren estatutuetako helburuen arabera jokatzeko.
- c) Dagozkien kirol federazioek eskuratzen dizkieten baliabide materialak errespetatzea eta zaintzea.
- d) Federazioari dagokionez euren gain hartutako ardurak betetzea.
- e) Funtzioak behar bezala bete daitezela antolatzen diren prestakuntza jardueretan parte hartzea.
- f) Urtarrilaren 31ko 16/2006 Dekretuan debekatuta dauden bestelako ordain ekonomikoak uko egitea.
- g) Funtzioak betetzen jarraitzea, harik eta ondorengoek kargua hartzen duten arte, ezinbestean utzi behar izatekotan salbu.
- h) Organo eskumendunek onartzen dituzten erabakiak eta ebazpenak ontzat hartzea.
- i) Kargua uzten duten zuzendarien ordezkoei behar den dokumentazio eta informazio guztia eskuratzea.
- j) Euren interes pertsonalekin zerikusia duten gaiak buruzko deliberamenduetan ez parte hartzea. Interes pertsonala egongo da, baldin eta gaiak zuzendariaren ezkontideari edota antzeko afektibitate harremana duten pertsonaiei, bai eta haren ondorengoei edo aurrekoei ere, eragiten badie, edota zuzendaritzako kargua nahiz neurri bateko partaidetza duen sozietateari eragiten dio.
- k) Kide den organoen bileretara joatea, eta parte hartze aktiboa izatea deliberamenduetan, haren irizpideak erabaki egokiak hartzen lagun dezan.
- l) Eskuratzen zaion egiaztagiria behar bezala erabiltzea.
- m) Hala badagokio, Federazioak onartzen duen kode etikoa betetzea.
- n) Federazioaren estatutuetako edo arautegietako arauetan jasota dauden bestelako betebeharrak.

46. ARTIKULUA

1.- Kirol Federazioko lehendakari kargua bateraezina izango da beste kirol federazio bateko lehendakari karguarekin, beste kirol modalitate bateko federazioa izan arren.

2.- Kirol Federazioko lehendakari kargua bateraezina da Federazioaren baitako klub edo kirol elkarte bateko lehendakari karguarekin. Lehendakaritzaren titular den pertsonak, hain zuzen, klub edo kirol elkarte bateko ordezkari gisa batzarrean egoteagatik aukeratzeko badute, edo ordezkari gisa joan bada, Lehendakaritza ez badu ere, uko egingo dio klub edo kirol elkarteko lehendakari edo ordezkari karguari.


3.- Kirol Federazioko lehendakaritza bateraezina izango da Foru Administrazioaren edota Euskal Autonomia Erkidegoko administrazio orokorraren baitan federazioei zuzenean lotuta dauden kargu publikoekin.

4.- Kirol Federazioko zuzendaritza kargua bateraezina da erakunde bereko kontseilari edo aholkulari profesional izatearekin. Halaber, Kirol Federazioko zuzendaritza kargua bateraezina da kirol erakunde berean zerbitzu profesionalak eskaintzearekin lan harremanaren, harreman zibilarren edo merkataritza harremanaren bidez.

47. ARTIKULUA

Gipuzkoako Eskubaloia Federazioko zuzendariak debekatuta dituzte honako hauek:

- a) Kargua utzi edo dimisioa aurkeztu eta gero kalte ordainak jasotzea.
- b) Hirugarren pertsonengandik edo erakundeengandik komisioak edo antzeko mozkinak jasotzea, kirol erakundeak ondasunak edo zerbitzuak kontratatzearen truke.





- c) Kirol helburuak edo helburu ekonomikoak lortzeagatik pizgarriak jasotzea.
- d) Enpresen bitartez edo hirugarren pertsonen edo erakundeen bitartez kontratatutako egitea Kirol Federazioarekin berarekin. Autokontratatzeko debekuak ezkontideen, antzeko afektibitate harremanaz lotutako pertsonen eta ondorengo nahiz aurreko enpresei eragiten die.
- e) Kirol Federazioaren ondarea erabiltzea edo Federazioaren barruan duen postua ondareei loturiko abantailak lortzeko erabiltzea.

IV. TITULUA FEDERAZIOKO ESTAMENTUAK

48. ARTIKULUA

Gipuzkoako Eskubaloia Federazioko estamentuetako kideek honako eskubide hauek izango dituzte, gutxienez:

- a) Federazioko organoetan ordezkaritza izatea eta haietako kide izatea, estatutu hauen eta aplikagarria den araudiaren arabera ezarritako eran, baldintzetan eta proportzioan.
- b) Federazioak antolatutako jardura guztietan parte hartzea, Federazioak horren gainean dituen arauen arabera.
- c) Eskatu bezainbesteko informazioa jasotzea eta Federazioarekin zerikusia duten gaien inguruko irizpideak eta iritziak libreki adieraztea, kirola hobeto gara dadin.
- d) Federazioko organo eskumendunetara jotzea, Federazioko arauak bete daitezela eskatzeko.
- e) Egoki iruditzen zaizkien kontsultak eta erreklamazioak egitea, Federazioko arauekin bat.
- f) Federazio lizentzia egiaztatzen duen agiria izatea.

49. ARTIKULUA

Gipuzkoako Eskubaloia Federazioko estamentuetako kideek honako betebeharrak izango dituzte:

- a) Ezarritako kuotak ordaintzea.
- b) Federazioko organoetan onartutako erabakiak betetzea, horretarako eskumena duen organoak baliogabetzen edo bertan behera uzten ez dituen bitartean.
- c) Federazioaren helburuak lortzen era aktiboan parte hartzea.
- d) Hala dagokionean, dituzten karguei atxikitako betebeharrak leialki betetzea.
- e) Gipuzkoako selekzioek kirol-lehiaketetan parte hartzeko edo horiek prestatzeko egiten dituzten deialdietara joatea.

50. ARTIKULUA


Estatutu hauen helburuetarako, klubak edo kirol elkarteak dira Euskal Herriko Kirolaren ekainaren 11ko 14/1998 Legeko III. Izenburuan aurreikusitakoari jarraiki eraturiko elkarteak.

51. ARTIKULUA

Klubek eta taldeek, Gipuzkoako Eskubaloia Federazioak antolatutako edo baimendutako lehiaketa ofizialetan parte hartzeko, dagokien lizentzia izan behar dute.

52. ARTIKULUA

Gipuzkoako Eskubaloia Federazioko kirolari da kirolarien estamentuari dagokion federazio-lizentzia duen pertsona fisiko oro.





53. ARTIKULUA

- 1.- Gipuzkoako Eskubaloia Federazioko teknikari dira Federazioak edo indarrean dagoen legediak eskatzen duten titulazioa izanik estamentu horretako federazio-lizentzia duten pertsonak.
- 2.- Teknikoak, hala badagokie, Federazioko teknikarien elkargoan bilduko dira.

54. ARTIKULUA

- 1.- Gipuzkoako Eskubaloia Federazioko epaileak dira eskudun den erakundeak igortzen duen eta beharrezkoa den titulazioa eta dagokien federazio-lizentzia duten pertsona fisikoak.
- 2.- Epaileak, hala badagokie, Federazioko epaileen elkargoan bilduko dira.

V. TITULUA DIZIPLINA-ARAUBIDEA

55. ARTIKULUA

Gipuzkoako Eskubaloia Federazioko kirol diziplinako araubidea 1998ko ekainaren 11ko 14/1998 Legeko X. tituluan jasota dagoenaren arabera, 1989ko urtarrilaren 10eko 7/1987 Dekretuan ezarritakoaren arabera edo hori ordeztuko duenaren arabera arautuko da, bai eta Estatutu hauen eta Federazioko Kirol Diziplinako Araudiaren arabera ere.

56. ARTIKULUA

- 1.- Gipuzkoako Eskubaloia Federazioak bere organo egiturako kide diren pertsonen gainean eta Federazioko kide diren pertsona fisikoen eta juridikoen gainean baino ez du izango diziplina ahalmena.
- 2.- Federazioak ezin izango du diziplina ahalmena erabili kirol modalitate bereko beste lurralde eremuetako federazioetako kideen kasuan, kirol jarduera Gipuzkoako Lurralde Historikoan badute ere.

57. ARTIKULUA


Diziplina Batzordea organo eskudun bat da, Gipuzkoako Eskubaloia Federazioaren beste organoetatik aparte kirol diziplinarako ahalmena erabiltzen duena.

58. ARTIKULUA

- 1.- Diziplina Batzordeak kide bakarra edukiko du: diziplina-epailea, eta Federazioko lehendakariak izendatuko du.
- 2.- Diziplina-epailea lau urterako izango da izendatua, lehendakaritza-aldi bakoitzaren hasieran. Epaileak karguan aritzeko behar adinako ezagutza eduki behar du.
- 3.- Zuzendaritza Batzordeko kideek ezingo dituzte diziplina-epailearen funtzioak bete.

59. ARTIKULUA

Diziplina-epaileak hartzen dituen erabakiak aurkatu egin daitezke, Euskadiko Eskubaloia Federazioaren Apelazio Batzordearen aurrean.





VI. TITULUA HAUTESKUNDE-ARAUBIDEA

60. ARTIKULUA

Gipuzkoako Eskubaloia Federazioko hauteskunde-araubidea 2006ko urtarrilaren 31ko 16/2006 Dekretuan, horren garapeneko xedapenetan nahiz estatutu hauetan eta Federazioko Batzar Nagusiak onetsi beharko duen hauteskunde arautegian xedatutakoaren arabera izango da.

61. ARTIKULUA

Federazioko Batzar Nagusia aukeratzeko, hasiera batean, honako hauek izango dira hautesleak: Federazioko estamentu guzti-guztietako lizentzien titularrak; betiere, dagokion hauteskunde arautegian zehazten diren baldintzatan.

Hautagai eta hautesle izaera Euskadiko Kirol Federazioen Dekretuan, Estatutu hauetan eta Federazio honetako Hauteskunde Arautegian ezarritakora doitu da.

62. ARTIKULUA

Federazioak Hauteskunde Batzordea izan behar du. Batzorde hori hauteskunde prozesua bultzatzeko eta behar bezala gauza dadin bermatzeko organoa da. Hiru kidez osatuko da, eta horietako bat lehendakaria eta beste bat idazkaria izango dira. Horiek Batzordeko kideen artean hautatuko dira, eta horien artean izendatzen ez badira, lehendakaria zaharrena eta idazkaria gazteena izango dira.

63. ARTIKULUA

Hauteskunde Batzordearen eginkizunetan jarduteak lau urteko iraupena izango du, nahiz eta aldi hori amaitu aurretik Batzar Nagusiak ahalmena izango duen Batzordea desegin eta beste bat izendatzeko.

64. ARTIKULUA

1.- Hauteskunde Batzordeko kideak, eta horien ordezkioak, Batzar Nagusian, hauteskunde-prozesua hasi aurreko azkeneko ohiko batzarrean, hautagai izango ez diren horien arteko hautatuko dira.

2.- Hautagai gisa aurkeztera doazenak ezingo dira inoiz ere Hauteskunde Batzordeko kide izan; izendatutako hauteskunde batzordeko kideren bat egoera horretan balego, bere kargua utzi eta izendatutako ordezkioak hartu beharko luke beraren lekua.

65. ARTIKULUA

1.- Hauteskunde Batzordeak honako funtzio hauek egingo ditu, besteak beste:

- Hautesleen errolda eta hauteskundeetako egutegia onartzea.
- Aurkezten diren hautagaiak aldarrikatzea eta argitaratzea.
- Hauteskunde Mahaia izendatzea.
- Hautetsiak zein diren aldarrikatzea.
- Aurkezten diren inpugnazioak, erreklamazioak eta eskaerak ebaztea, bai eta Hauteskunde Mahaiaren erabakien aurka jartzen diren errekursoak ere.
- Hauteskundeak egiteari eta hauteskundeko emaitzei zuzenean eragiten dien edozein gai.

2.- Hauteskunde Batzordearen erabakien aurka egin ahal izango da Kirol Justiziako Euskadiko Batzordearen aurrean.





66. ARTIKULUA

Hauteskunde Batzordeak, hautesleen artean zozketa eginda, Hauteskunde Mahaia izendatuko du. Mahaia hiru pertsonaz osatuko da, eta kideak beste ordezkot egongo da. Horietako bat lehendakaria eta beste bat idazkaria izango dira. Horiek Mahaiko kideen artean hautatuko dira, eta horien artean izendatzen ez bada, lehendakaria zaharrena eta idazkaria gazteena izango dira.

67. ARTIKULUA

1.- Hauteskunde Mahaia honako funtzio hauek izango ditu:

- Bozketa behar bezala egin dadin bermatzea.
- Bozkatzen duten pertsonen identitatea eta hautesle izaera egiaztatzea.
- Ematen diren botoak baliozkoak diren erabakitzea.
- Behin bozkatutakoan, botoak zenbatzea.
- Bozketari dagokion beste edozein gairi buruz erabakitzea.

2.- Hauteskunde Mahaiko erabakien aurka egin ahal izango da Hauteskunde Batzordearen aurrean.

VII. IZENBURUA EKONOMIA- ETA ONDARE-ARAUBIDEA

68. ARTIKULUA

1.- Gipuzkoako Eskubaloia Federazioak berezko aurrekontu eta ondare erregimena ditu.

2.- Kirol Federazioaren ondarea osatzen dute Federazioak titular gisa dituen ondasun guztiak.

3.- Federazioak honako baliabide hauek ditu:

- Federatuen kuotak.
- Erakunde publikoek edo pribatuek emandako diru laguntzak.
- Dohaintzak, herentziak, legatuak eta sariak.
- Antolatzen diren kirol jardueretan eta lehiaketetan ateratako mozkinak.
- Industria eta merkataritza jardueratik, profesionalen jardueratik nahiz eskaintzen diren zerbitzuetatik ateratako mozkinak.
- Euren ondarearen fruituak eta ondarea besterentzetik edo zergapetzetik ateratzen dena, 2006ko urtarrilaren 31ko 16/2006 Dekretuko 138. artikuluan ezarritako baldintzatan.
- Lortzen dituzten maileguetatik edo kredituetatik ateratako mozkinak.
- Euren jarduera egitea lor dezaketen beste edozein.

69. ARTIKULUA

1.- Federazioko diru sarrera guztiak —kirol jardueretan lortutako mozkinak eta sariak nahiz industria, merkataritza, zerbitzu izaerako edo izaera profesionaleko jardueretatik ateratakoak— sozietate xedea garatzeko erabiliko dira osorik.

2.- Mozkinak ezin izango dira inolaz ere Federazioko kideen artean banatu.

70. ARTIKULUA

Gipuzkoako Eskubaloia Federazioak ondasun higiezinak zergapetu edo besterendu egin ditzake, dirua har dezake maileguan eta zorraren edo ondare parte alikuotaren titulu ordezkatzailak jaulki ditzake, 2006ko urtarrilaren 31ko 16/2006 Dekretuko 139. artikuluan ezarritako kasuetan eta baldintzatan.





71. ARTIKULUA

Gipuzkoako Eskubaloia Federazioak goi zuzendaritzako lan kontratuak izenpetu ahal izango ditu, baldin eta erabakia eta ordainsaria zein kontratuko bestelako baldintzak gehiengo osoz onartzen badira Batzar Nagusian, eta baldin eta Gipuzkoako Foru Aldundiko Kirol Zuzendaritzak baimentzen badu.

72. ARTIKULUA

1.- Gipuzkoako Eskubaloia Federazioak urtero onartuko du ekitaldiko aurrekontua.

2.- Zuzendaritza Batzordearen ardura da urtero aurrekontuen proiektua gauzatzea, eta Batzar Nagusiari dagokio onartzea.

3.- Aurrekontuan Federazioak gehienez onar ditzakeen betebeharrak adierazi beharko dira (zifraz horniturik, era bateratuan eta sistematikoki), bai eta dagokion ekitaldian likidatuko dituen eskubideak ere. Era berean, kirol modalitate horretan emakumezkoen eta gizonezkoen arteko berdintasuna sustatzeari lotutako betebeharrak ere aurrekontuan adierazi beharko dira Gipuzkoako Eskubaloia Federazioaren aurrekontuan.

4.- Aurrekontu bakarra egongo da, eta Federazioko gastu eta diru sarrera guztiak barne hartuko ditu, organo osagarrienak eta horien tresna erakundeenak barne. Kudeaketako edo antolamenduko beharrek hala eskatzen dutenetan, Gipuzkoako Eskubaloia Federazioak kontabilitateko azpiera-kundeak sortu ahal izango ditu, sistema zentrolean behar bezala integratuta egongo direnak.

5.- Aurrekontua orekatua izango da, eta inolaz ere ez da onartuko defizita sortzen duen aurrekonturik aldeztu aurretik dagokion kirol administrazioaren baimena eskuratu gabe.

6.- Behin Batzar Nagusiaren onarpena lortutakoan, ekitaldiko aurrekontua eta likidazioa Administrazioari helaraziko zaizkio.

7.- Federazioko Zuzendaritza Batzordeak aurrekontua aldatu ahal izango du, betiere aldaketa hori gastuen aurrekontu osoaren %20 baino gehiagokoa ez denean.

8.- Guztizko aurrekontuaren % 20 gainditzen duten programen arteko kreditu transferentziarako, Gipuzkoako Foru Aldundiaren baimena behar izango da.

73. ARTIKULUA


1.- Ekitaldi bakoitza itxi eta hiru hilabete geroago, Gipuzkoako Eskubaloia Federazioko Zuzendaritza Batzordeak erakundearen urteko kontuak egin beharko ditu. Kontuetan honako hauek hartu behar dira barne: galeren eta irabazien balantzea eta memoria ekonomikoa. Ondorengo hiru hilabeteetan Ohiko Batzar Nagusian aurkeztu beharko ditu urteko kontuak, bertan aztertuak eta, hala badagokie, onetsiak izan daitezten.

2.- Zuzendaritza Batzordeak egiten dituen urteko kontuak lehendakariak izenpetu beharko ditu, bai eta, hala badagokio, diruzainak ere.

3.- Federazioko urteko kontuen egitura bat etorriko da Kirol Federazioetara egokitutako Kontabilitateko Plan Orokorreko egokitze arauekin.

74. ARTIKULUA

Gipuzkoako Eskubaloia Federazioak men egin beharko dio **ikuskaritzar, eskuduna den Administrazioak** hala eskatzen duenean, dagozkion kasu eta ekitaldietan.





VIII. IZENBURUA AGIRI-ARAUBIDEA

75. ARTIKULUA

Gipuzkoako Eskubaloia Federazioko agiri-araubidea osatzen duten liburuak honako hauek izango dira derrigorrez:

- Federazioko estamentuen liburuak, estamentu bakoitzari dagozkion ataletan banatuta. Atal horiek eguneratuta egongo dira, eta Federazioan sartu diren data nahiz Federaziotik atera diren data azalduko dira.
- Federazioko akten liburuak; Batzar Nagusiak, Zuzendaritza Batzarrak eta Federazioko gainerako organoek hartzen dituzten erabakiak azalduko dira.
- Kontabilitate liburuak.
- Hala badagokio, zor tituluen edo ondare parte alikuotaren erregistro liburuak.
- Gatazkak epaitegietatik kanpo ebazteko araubidearen mende salbuestearen erregistro liburuak.

Euskadiko Kirol Erakundearen Erregistroak aurreikusitakoaren arabera bideratuko dira liburu horiek.

IX. IZENBURUA FEDERAZIOA DESEGITEA ETA LIKIDATZEA

76. ARTIKULUA

1.- Gipuzkoako Eskubaloia Federazioa desegin egingo da:

- Aparteko Batzar Nagusiak hala erabakitzen duenean, bildutakoen bi herenen gehiengoaz eta artikulua honen bigarren atalean aurreikusitako arrazoiren bat eman denean.
- Horretarako erabaki judiziala ematen denean.

2.- Gipuzkoako Eskubaloia Federazioa desegin egin behar da honako hauetako bat gertatzeotan:

- Federazioaren onarpen ofiziala baliogabetzea.
- Administrazio izaerako funtzio publikoak behar bezala betetzea guztiz ezinezkoa izatea.
- Federazioko organoak gelditzea, eta, ondorioz, funtziona dezaten ezinezkoa izatea.
- Eskuordetzen zaizkion funtzio publikoak ez betetzea.
- Beste kirol federazio batekin bat egitea.
- Beste kirol federazio batean sartzea.
- Indarrean diren legeetan jasota dagoen beste edozein arrazoi gertatzea.

77. ARTIKULUA

1.- Federazioko lehendakariak Batzar Nagusiari deituko dio, dagokion desegiteko erabakia har dezan. Erabakia bi hilabeteke epean hartu behar da, desegitea eragiten duen kausa ezagutzen den unetik zenbatzen hasita.

2.- Pertsona federatuek eta Gipuzkoako Foru Aldundiko Kirol Zuzendaritzak berak ere lehendakariari eskatu ahal izango diote Batzar Nagusiari dei diezaion, baldin eta, haien ustez, aurreko artikuluan zehaztuta dauden kausetako bat gertatzen bada.

3.- Baldin Batzar Nagusiari ez bazaio deitzen, baldin ezin bada adostasuna lortu, edo ez desegitea adosten bada, edozein federatuek edo Gipuzkoako Foru Aldundiko Kirol Zuzendaritzak berak Federazioaren desegite judiziala eskatu ahal izango du.

4.- Federazioko Zuzendaritza Batzordea bera behartuta dago desegite judiziala eskatzera Federazioaren erabakia desegitearen aurkakoa baldin bada, edo ezin bada desegitea lortu.





78. ARTIKULUA

Federazioa desegindakoan, likidatzeko aldia hasten da, bat-egiteak edo desegiten den federazioko aktiboen eta pasiboen lagapen globala gertatzen denetan izan ezik.

79. ARTIKULUA

Gipuzkoako Eskubaloia Federazioak nortasun juridikoa gordetzen du likidatzen ari den bitartean. Aldi horretan «likidatzen» hitza gehitu beharko dio bere izenari.

80. ARTIKULUA

Federazioak likidatzen ari dela adierazten duen unean, Zuzendaritza Batzordeak bere funtzioak bertan behera utziko ditu, eta likidatzaileek euren gain hartuko dituzte funtzioak. Hala ere, Zuzendaritza Batzordeko kideek parte hartu beharko dute likidazio eragiketak gauzatzen.

81. ARTIKULUA

1.– Batzar Nagusiari dagokio likidatzaileak izendatzea. Likidatzaileen kopurua beti bakoitia izango da.

2.– Bai likidatzaileak izendatzen direnean bai kargutik kentzen direnean, Kirol Erakundeen Euskadiko Erregistroan jaso beharko da

82. ARTIKULUA

Honako hauek dira Federazioko likidatzaileen funtzioak:

- Administrazio organoarekin batera, euren funtzioetan hastean Federazioak duen hasierako balantzea onartzea.
- Federazioko liburuez eta korrespondentziaz arduratzea eta horiek zaintzea, bai eta Federazioaren ondarearen segurtasuna bermatzea ere.
- Federazioa likidatzeko egiteke dauden eragiketak nahiz eragiketa berriak gauzatzea.
- Federazioaren ondasunak eta eskubideak besterentzea. Ondasun higiezinak enkante publikoan salduko dira nahitaez. Gipuzkoako Foru Aldundiak baimentzen duen kasuetan baino ezin izango dira zuzeneko salmentak egin.
- Transakzioak eta arbitrajeak adostea, Federazioaren interesei hala komeni zaienean.
- Hartzekodunei ordaintzea.
- Federazioaren ordezkari izatea.


83. ARTIKULUA

Likidazioa amaitutakoan, likidatzaileek azken balantzea egingo dute. Balantzea Batzar Nagusian aurkeztuko da, bertan onetsia izan dadin. Balantzearen emaitza positiboa bada Gipuzkoako Foru Aldundiko Kirol Zuzendaritzari bidaliko zaio, bertan, irabazi asmorik gabeko entitateen zerga erregimenari eta mezenasgoaren zerga pizgarrii buruzko 2004ko apirilaren 7ko 3/2004 Foru Arauko 5.5 artikuluan ezarritakoaren arabera, foru organo hori izan dadin Federazioa desegitearen ondoriozko ondareari emango zaion xedea zein den erabakiko duena.

84. ARTIKULUA

Honako hauek dira likidatzaileen jarduera amaitzeko arrazoiak:

- Likidazioa burutzea.
- Batzar Nagusiak emandako ahalordeak baliogabetzea.
- Gipuzkoako Foru Aldundiko Kirol Zuzendaritzak ahalordeak baliogabetzea edo gaitasunik gabe uztea.
- Erabaki judiziala.





85. ARTIKULUA

Baldin eta Federazioak ez badu kaudimenik, likidatzaileek berehala eskatu behar dute dagokion lehiaketa adierazpena.

86. ARTIKULUA

Federazioaren desegitean batzorde likidatzaileak jakinaraziko dio Euskadiko Kirol Erakundeen Erregistroari, inskripzioan deuseztatu dezan.



X. IZENBURUA ESTATUTUAK ETA ARAUDIAK

87. ARTIKULUA

Gipuzkoako Eskubaloia Federazioaren estatutuak aparteko Batzar Nagusiak bakarrik aldatu ahal izango ditu, bildutakoen 2/3en gehiengoaz hartutako erabakiaren bidez.

88. ARTIKULUA

Behin estatutuen proiektua onetsi ondoren, Gipuzkoako Foru Aldundiko Kirol Zuzendaritzari igorriko zaizkio, Batzar Nagusiaren erabakitik kontatzen hasi eta hirurogei (60) egun naturaleko epean.

89. ARTIKULUA

Aipatu estatutuak Euskal Autonomia Erkidegoan ofizialak diren bi hizkuntzatan aurkeztu beharko dira, eta Gipuzkoako Foru Aldundiak eskatzen duen euskarri informatikoan.

90. ARTIKULUA

Federazioko estatutuak indarrean sartzeko, administrazioaren onarpena jaso beharko dute, eta Gipuzkoako Aldizkari Ofizialean argitaratu beharko dira.

91. ARTIKULUA

Gipuzkoako Eskubaloia Federazioak ondorengo hauek arautu beharko ditu gutxienez:

- a) Lehiaketa ofizialak antolatzeko eta garatzeko araubidea.
- b) Diziplina-araubidea.
- c) Hauteskunde-araubidea.
- d) Auziak judizioz kanpo ebazteko araubidea.

92. ARTIKULUA

Gipuzkoako Eskubaloia Federazioko araudiak Gipuzkoako Foru Aldundiko Kirol Zuzendaritzari onar ditzan aurkeztuko zaizkio, hirurogei (60) egun naturaleko epean, Federazioko Batzar Nagusian onartzen diren unetik zenbatzen hasita.

93. ARTIKULUA

Araudiak onartu eta aldatu ahal izateko, beharrezkoa da horretarako deitutako aparteko batzar nagusira bertaraten diren kideen gehiengoak horren aldeko botoa ematea.





94. ARTIKULUA

1.- Federazioaren zirkularrak estatutuen eta arautegien indarraldia, ezarpena, interpretazioa nahiz Federazioari dagozkion bestelako gaiak ezagutarazteko erabiliko dira, baina ez dute berezko arau izaerarik izango.

2.- Federazioaren zirkularrek ez dute alde zuzenetik administrazio onarpenik izan behar.

95. ARTIKULUA

1. - Lurralde eremu handiagoko kirol federazioen estatutuak eta araudiak Federazio honi eta bere kideei aplikatu dakizkieke soilik baldin Gipuzkoako Federazio hau haietako kide bada, eta federazio horiek eskumena duten gaien inguruan baina ez. Kasu horietan, Gipuzkoako Eskubaloia Federazioak arau horiek behar adina zabaldu beharko ditu, Federazioko estamentu desberdinek behar bezala ezagut ditzaten.

2. - Lurralde eremu handiagoko kirol federazioen gainerako araudiak ez zaizkio zuzenean aplikatuko Gipuzkoako Eskubaloia Federazioari eta horren kideei. Federazioaren araudian sartu ahal izateko, federazioaren eta administrazioaren onarpena beharko da, eta Euskal Autonomia Erkidegoko Kirol Erakundearen Erregistroan erregistratzea beharrezkoa izango da.

3. - Erkidegoaz gaindiko kirol federazioen araudiak ezin izango dira era osagarrian aplikatu Gipuzkoako Eskubaloia Federazioan. Hala ere, arau horiek era osagarrian aplikatu ahal izango ditu, baldin eta bere araudietan berariaz hala ezartzen bada, behar bezala ezagutarazten badira eta federatuei arau horiek Federazio honen hizkuntza ofizialetakoren batean idatzita eskaintzen bazaizkie.

XI. IZENBURUA HIZKUNTZA-NORMALIZAZIOA

96. ARTIKULUA

Gipuzkoako Eskubaloia Federazioaren hizkuntza ofizialak euskara eta gaztelania dira.

97. ARTIKULUA

Gipuzkoako Eskubaloia Federazioaren organoek Federazioaren baitan euskara normalizatzeko pixkanakako prozesua bermatuko dute, 2006ko urtarrilaren 31ko 16/2006 Dekretuko Hirugarren Xedapen Iragankorra.

98. ARTIKULUA

Gipuzkoako Eskubaloia Federazioaren ziurtapenak Euskal Autonomia Erkidegoan ofizialak diren bi hizkuntzatan edo horietako batean igorri ahal izango dira, interesatutako pertsonak azaldukoaren arabera.


XII. IZENBURUA GATAZKAK JUDIZIOZ KANPO EBAZTEA

99. ARTIKULUA

Federazioaren eta federatu edo kideen artean nahiz horien artean sor daitezkeen auziak edo diferentziak Zuzenbide Arbitrajearen bidez ebatziko dira, indarrean dagoen legedian, Estatutu hauetan eta garapen-araudian ezarritako terminoetan.

100. ARTIKULUA

Arbitraje bidez ebatzi daitezkeen auzi edo diferentziak edo, oro har, judizioz kanpoko ebatzi daitezkeen gatazkak, Kirol Arbitrajerako Euskal Auzitegiaren pean jarriko dira.





101. ARTIKULUA

Administrazioak Federazioarengan eskuordetutako funtzio publikoen gauzatzearekin zerikusia duten gaiak eta legediak berariaz eta legez arbitrajetik kanpo uzten dituen horiek salbu, beste guztiak bide horretatik ebartziko dira.

102. ARTIKULUA

Estatutu hauek onesten diren datatik edo lizentzia eskuratzen denetik kontatzen hasi eta hilabeteko epean berariaz uko egiten ez duen federatu edo Federazioko kide oro Estatutu hauetan eta horien garapenerako araudian aurreikusitako arbitraje sistemaren eta gatazkak judizioz kanpo ebazteko sistemaren pean jarriko da.

XEDAPEN IRAGANKORRA

Estatutu hauetako 27. eta 37. artikuluetan ezarritako aginte-mugek ez dute eraginik izango estatutu hauek indarrean sartzean lehendik dauden karguetan, eta, ondorioz, kargu horiek beren egungo agintaldiak amaitu ahal izango dituzte. Kargu horiei hurrengo hauteskunde-prozesuetarako bakarrik izango zaizkie aplikagarri estatutuetako aipatu mugak.

XEDAPEN INDARGABETZAILEA

Indargabetuta geratzen dira estatutu hauen inskripzio- eta argitalpen-data arte indarrean egon diren Gipuzkoako Eskubaloia Federazioaren estatutuak.

AZKEN XEDAPENAK

Estatutu hauek Gipuzkoako Aldizkari Ofizialean argitaratzen diren egunaren biharamunean sartuko dira indarrean.

Donostian, 2007ko urtarrilaren 26an

